



UNIT KORPORAT DAN PERIHUBUNGAN AWAM

MAKLUMAT MPJBT MELALUI AKHBAR UNTUK BULAN SEPTEMBER 2017

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	09-2017/001	11.09.2017	Sinar Harian	Info MPJBT	Kadi baca doa di dasar laut
2.	09-2017/002	11.09.2017	Sinar Harian	Info MPJBT	Simbolik perisytiharan Majlis Bandaraya Iskandar Puteri
3.	09-2017/003	11.09.2017	Kosmo	Info MPJBT	Sultan Ibrahim lancar tukun tiruan
4.	09-2017/004	11.09.2017	Harian Metro	Info MPJBT	Mercu tanda ikonik
5.	09-2017/005	11.09.2017	Berita Harian	Info MPJBT	Kadi baca doa dasar laut majlis letak tukun
6.	09-2017/006	11.09.2017	Utusan Malaysia	Info MPJBT	Sultan Ibrahim menyelam, rasmi Mersing Harbour Centre
7.	09-2017/007	11.09.2017	New Straits Times	Info MPJBT	SULTAN OF JOHOR OPENS RM12m HUB
8.	09-2017/008	12.09.2017	Utusan Malaysia	Info MPJBT	Baca doa dalam laut pengalaman mengujakan buat kadi Mersing
9.	09-2017/009	15.09.2017	Sinar Harian	Info MPJBT	Kursus gubahan MPJBT dapat sambutan
10.	09-2017/010	15.09.2017	Sinar Harian	Info MPJBT	Berlatih selam lebih 15 kali
11.	09-2017/011	26.09.2017	Sinar Harian	Info MPJBT	Jom kitar semula e-waste
12.	09-2017/012	28.09.2017	Sinar Harian	Info MPJBT	91 keluarga mangsa banjir kilat di Kampung Tuah Jaya terima bantuan

RINGKASAN LAPORAN UNTUK BULAN SEPTEMBER 2017:

JENIS ARTIKEL	JUMLAH
ADUAN	0
INFO MPJBT	12
INFO PBT	0
JUMLAH	12



MAJLIS PERBANDARAN JOHOR BAHRU TENGAH

No. Daftar : **09-2017/001**
Tarikh : **11.09.2017 (Isnin)**
Jenis Akhbar : **Sinar Harian**
Jenis Artikel : **Info MPJBT**
Tajuk Artikel : **Kadi baca doa di dasar laut**

Kadi baca doa di dasar laut

Akui teruja berpeluang baca doa ketika menyelam bersama Sultan Ibrahim



Mohd Zaini (dua, kiri) membacakan doa di dasar laut.

MERSING - Kembara Mahkota Johor (KMJ) 2017 kali ini menyaksikan acara membacakan doa di dasar laut perairan Taman Laut Sultan Iskandar, di sini, oleh satu-satunya kadi yang mempunyai lesen skuba di negara ini.

Mula mendapat lesen menyelam sejak Mei lalu, Kadi Daerah Mersing, Mohd Zaini Mohd Salleh, akui teruja kerana berpeluang membacakan doa ketika menyelam bersama Sultan Johor, Sultan Ibrahim Sultan Iskandar.

Ia bersempena majlis pra-pelancaran Logo Majlis Bandaraya Iskandar Puteri yang dilakukan di Pulau

Mensirip, di sini.

Menurutnya, peluang yang jarang diperoleh itu berjaya dilaksanakan dengan sempurna ditambah dengan keadaan laut yang tenang ketika itu.

"Saya mula berlatih sejak Mei lalu bagi memastikan kelancaran bacaan doa semasa majlis berlangsung, namun saya akui terdapat perbezaan membacakan doa di darat dan juga ketika di dasar laut.

"Perbezaan baca di darat dan laut adalah kita guna alat pernafasan, itu menghalang kelancaran kerana membaca atas darat tiada halangan, hanya seperti biasa, tetapi di dalam laut saya hanya guna li-

dah sahaja," katanya ketika ditemui di sini selepas Majlis Perasmian Bangunan Mersing Harbour Centre di sini.

Pada majlis itu, Sultan Johor, Sultan Ibrahim Sultan Iskandar berkenan menyempurnakan perasmian tukun tiruan terbesar 165 tan berupa bangunan Sultan Ibrahim.

Perasmian tukun terbesar itu juga bersempena majlis pra-pengisytiharan Majlis Perbandaran Johor Bahru Tengah (MPJBT) sebagai Majlis Bandaraya Iskandar Puteri (MBIP) di Pulau Mensirip, Taman Laut Sultan Iskandar, di sini, semalam.





MAJLIS PERBANDARAN JOHOR BAHRU TENGAH

No. Daftar : 09-2017/002
Tarikh : 11.09.2017 (Isnin)
Jenis Akhbar : Sinar Harian
Jenis Artikel : Info MPJBT
Tajuk Artikel : Simbolik perisytiharan Majlis Bandaraya Iskandar Puteri

Simbolik perisytiharan Majlis Bandaraya Iskandar Puteri

MERSING - Sultan Johor, Sultan Ibrahim Sultan Iskandar berkenan menyempurnakan majlis pra pengisytiharan Majlis Bandaraya Iskandar Puteri di Pulau Mensirip, di sini, semalam.

Ia disempurnakan berdekatan tukun replika Bangunan Sultan Ibrahim bersempena Kembara Mahkota Johor (KM) 2017.



Sultan Johor berkenan meletakkan bulan dan bintang pada logo pra-pengisytiharan Majlis Bandaraya Iskandar Puteri.

INFO

- Disempurnakan berdekatan tukun replika Bangunan Sultan Ibrahim

pihaknya untuk membantu menambah tukun di perairan Taman Laut Sultan Iskandar.

“Ia sebagai simbolik kepada pra pengisytiharan Majlis Bandaraya Iskandar Puteri yang disempurnakan oleh Sultan Johor, Sultan Ibrahim Sultan Iskandar.

“Tukun ini merupakan tukun inovasi yang tercatat di dalam Malaysia Book of Record (MBOR) sebagai Struktur Tukun Tiruan Terbesar,” katanya.

Adib berkata, MPJBT merupakan PBT pertama yang melabuhkan tukun tiruan dan pelancaran logo bawah laut.

Katanya, objektif utama peletakan tukun tersebut adalah menjayakan Rancangan Kawasan



Sultan Johor berkenan menandatangani plak pra-pengisytiharan Majlis Bandaraya Iskandar Puteri.

Khas (RKK) Mersing melalui pembangunan sektor pelancongan dan perikanan.

Selain itu, mempertingkatkan industri ekopelancongan dan mewarkan sumber hasil kepada penduduk; meningkat pembiakan dan kehadiran ikan selain meningkat keupayaan perlindungan dan pertumbuhan karang; menjadi san-

tuari dan memberi perlindungan kepada dugong, penyu dan spesies terancam serta peluang untuk mengembara dan mencari makanan.

“Reka bentuk tukun merupakan replika Bangunan Sultan Ibrahim dengan ketinggian keseluruhan 5.495 meter dan seberat kira-kira 165 tan,” katanya.





MAJLIS PERBANDARAN JOHOR BAHRU TENGAH

No. Daftar : 09-2017/003
Tarikh : 11.09.2017 (Isnin)
Jenis Akhbar : Kosmo
Jenis Artikel : Info MPJBT
Tajuk Artikel : Sultan Ibrahim lancar tukun tiruan



SULTAN Ibrahim (tengah) mengaminkan doa yang dibacakan Mohd. Zaini selepas menyempurnakan tukun tiruan pada majlis pelancaran logo MBIP di dasar laut Pulau Mensirip, Taman Laut Sultan Iskandar, Mersing semalam.



SULTAN Johor menandatangani Sijil Malaysia Book of Records bagi kategori struktur batu karang tiruan terbesar sambil disaksikan oleh Adib Azhari (kiri) di Mersing Harbour Centre, Mersing semalam. BERNAMA

Bacaan doa diketuai kadi Mersing diadakan di dasar laut Pulau Mensirip

Sultan Ibrahim lancar tukun tiruan

Oleh SHARKAWI LONDING

MERSING — Kembala Mahkota Johor (KMJ) 2017 mencatat sejarah tersendiri apabila pelancaran tukun tiruan terbesar dan logo Majlis Bandaraya Iskandar Puteri (MBIP) di dasar laut Pulau Mensirip di sini disempurnakan oleh Sultan Johor, Sultan Ibrahim Sultan Iskandar.

Majlis pelancaran itu juga turut mencipta sejarah kerana Kadi Daeerah Mersing Mohd. Zaini Mohd. Salleh turut membacakan doa di dasar laut.

Pelancaran tukun terbesar seberat 165 tan itu diadakan sempena majlis prapengisytiharan Majlis Perbandaran Johor Bahru Tengah (MPJBT) sebagai



MBIP di Pulau Mensirip semalam.

Yang Dipertua MPJBT, Adib Azhari Daud turut hadir pada majlis pelancaran tersebut.

Sultan Ibrahim berkenan menyelam selama kira-kira 20 minit.

Mula mendapat lesen menyelam sejak Mei lalu, Mohd.

Zaini merupakan satu-satunya kadi di Malaysia yang memiliki lesen skuba.

Menurutnya, peluang yang jarang diperoleh itu berjaya dilaksanakan dengan sempurna ditambah dengan keadaan laut yang tenang.

“Saya mula berlatih sejak Mei lalu bagi memastikan kelancaran bacaan doa semasa majlis berlangsung namun terdapat

perbezaan membacakan doa di darat dan di dasar laut.

“Perbezaan baca doa di darat dan di dasar laut adalah kita menggunakan alat pernafasan yang menghalang kelancaran. Ini adalah kerana membaca doa di atas darat tiada halangan tetapi di dalam laut saya hanya menggunakan lidah sahaja,” katanya ketika ditemui di sini selepas program berkenaan.





MAJLIS PERBANDARAN JOHOR BAHRU TENGAH

No. Daftar : 09-2017/004
 Tarikh : 11.09.2017 (Isnin)
 Jenis Akhbar : Harian Metro
 Jenis Artikel : Info MPJBT
 Tajuk Artikel : Mercu tanda ikonik

SULTAN Ibrahim berkenan melawat gerai jualan produk tempatan selepas merasmikan Mersing Harbour Centre sempena Kembara Mahkota Johor 2017.

Mohd Sabran Md Sani
 sab@hmetro.com.my

Mersing

Mersing Harbour Centre yang disempurnakan perasmianya oleh Sultan Johor, Sultan Ibrahim Iskandar sempena Kembara Mahkota Johor (KMJ) 2017, semalam bukan saja menjadi mercu tanda baru Mersing, tetapi memanfaatkan usahawan tempatan untuk terus berdaya saing.

Bangunan yang berdiri megah serta menjadi pusat informasi bagi sektor pelancongan tempatan itu menjadi ikonik kepada gerak kerja Majlis Pembangunan Ekonomi Pantai Timur (ECERDC) dalam membangunkan bakat keusahawanan tempatan menerusi Program Latihan Kemahiran dan Keusahawanan di daerah itu.

Pusat bersepadu bernilai RM12 juta itu menempatkan 50 lot kedai dan kios pelbagai jualan jenis makanan serta minuman tempatan selain hasil kraf tangan. Keutamaan pusat itu yang dibangunkan Januari tahun lalu turut menempatkan sembilan usahawan yang juga peserta program Empower ECER di bawah inisiatif Pembangunan Modal Insan ECERDC.

Pusat ini dilengkapi dengan kemudahan seperti tempat letak kereta, kaunter maklumat, dewan peramuan, surau, taman per-

Mercu tanda ikonik

Mersing Harbour Centre jadi pusat bangun bakat usahawan tempatan



SULTAN Ibrahim berkenan melancarkan perisytiharan logo Majlis Bandaraya Iskandar Puteri di Pulau Mensirip, Mersing bersama Yang Dipertua MPJBT, Adib Azhari Daud (kiri) sempena KMJ 2017.

Cabarannya baca doa di dasar laut

Mersing: "Saya percaya belum ada lagi program yang baca doa dalam air sempena perasmian tambohan ia disempurnakan Sultan Johor, Sultan Ibrahim Iskandar," kata Kadi Daerah Mersing Mohd Zaini Mohd Salleh.

Mohd Zaini berkongsi pengalamannya menyelam pada kedalaman 11 meter untuk membaca doa di dasar laut sempena majlis meletakkan logo rasmi Majlis Bandaraya Iskandar Puteri di tukun replika Bangunan Sultan Ibrahim di Pulau Mensirip, Mersing, semalam.

Acara sempena Kembara Mahkota Johor (KMJ) 2017 menyaksikan peristiwa bersejarah itu apabila Sultan Johor melan-

carkan logo rasmi untuk diletakkan pada arca yang dicatatkan dalam Malaysia Book of Records (MBOR).

Pada majlis itu, 11 kakitangan Majlis Perbandaran Johor Bahru Tengah (MPJBT) menerima lesen open water diver daripada Sultan Johor.

Mohd Zaini berkata, memang terdapat cabaran membaca doa di dalam air jika dibandingkan di darat.

"Gerakan yang saya perlu lakukan hanya lidah saja dan bibir saya tidak boleh bergerak kerana mencengkam alat pernafasan," katanya yang mengambil masa tiga minit setengah membaca doa berkenaan.

Terdahulu Sultan Ibrahim menantang datangni plak perasmian bangunan Mersing Harbour Centre diikuti bacaan doa oleh Kadi Daerah Mersing, Mohd Zaini Mohd Salleh.

MOHD ZAINI






MAJLIS PERBANDARAN JOHOR BAHRU TENGAH

No. Daftar	: 09-2017/005
Tarikh	: 11.09.2017 (Isnin)
Jenis Akhbar	: Berita Harian
Jenis Artikel	: Info MPJBT
Tajuk Artikel	: Kadi baca doa dasar laut majlis letak tukun

Kadi baca doa dasar laut majlis letak tukun



Sultan Johor, Sultan Ibrahim (kanan) mengaminkan doa yang dibaca Mohd Zaini selepas berkenan melakukan selaman ke dasar laut untuk melancarkan logo Majlis Bandaraya Iskandar Puteri di Pulau Mensirip, Mersing, semalam.

Mersing: Pelancaran replika tukun tiruan terbesar dan logo Majlis Bandaraya Iskandar Puteri di Pulau Mensirip, dekat sini yang disempurnakan oleh Sultan Johor, Sultan Ibrahim Ibni Almarhum Sultan Iskandar, mencatatkan sejarah tersendiri apabila doa dibaca oleh kadi di dasar laut.

Kadi Daerah Mersing, Mohd Zaini Mohd Salleh, yang menjadi satu-satunya kadi di Malaysia yang mempunyai lesen skuba, mengetuai bacaan doa sebelum Sultan Ibrahim menandatangani plak pelancaran replika tukun tiruan terbesar dan melancarkan logo Majlis Bandaraya Iskandar Puteri di dasar laut.

Mohd Zaini, 48, berkata, beliau teruja kerana berpeluang bukan saja membacakan doa ketika menyelam tetapi lebih manis, ia dilakukan di hadapan Sultan Johor.

Peluang jarang diperoleh
“Ia peluang yang jarang diperoleh dan saya syukur berjaya dilaks-

nakan dengan sempurna ditambah dengan keadaan laut yang tebang ketika itu.

Berlatih sejak Mei

“Saya mula berlatih sejak Mei lalu bagi memastikan kelancaran bacaan doa semasa majlis berlangsung, namun saya mengakui terdapat perbezaan membacakan doa di darat dan juga ketika di dasar laut.

“Perbezaan baca di darat dan laut adalah kita guna alat pernafasan, itu menghalang kelancaran kerana membaca atas darat tiada halangan, doa seperti biasa tetapi di dalam laut saya hanya guna lidah sahaja,” katanya ketika ditemui di sini selepas program berkenaan.

Mohd Zaini turut mengenakan kelengkapan menyelam sebelum terjun ke dasar pulau bersama-sama Sultan Ibrahim.

Peluang belajar menyelam dan mempunyai lesen skuba itu juga menjadikan kegiatan menyelam skuba sebagai hobi baru kepada Mohd Zaini.





MAJLIS PERBANDARAN JOHOR BAHRU TENGAH

No. Daftar	:	09-2017/006
Tarikh	:	11.09.2017 (Isnin)
Jenis Akhbar	:	Utusan Malaysia
Jenis Artikel	:	Info MPJBT
Tajuk Artikel	:	Sultan Ibrahim menyelam, rasmi Mersing Harbour Centre

Sultan Ibrahim menyelam, rasmi Mersing Harbour Centre

MERSING 10 Sept. - Sultan Johor, Sultan Ibrahim Sultan Iskandar mengharungi hari kedua Kembara Mahkota Johor (KMJ) 2017 dengan pengalaman berbeza apabila awal pagi melakukan aktiviti menyelam di Pulau Mensirip dan kemudian merasmikan Mersing Harbour Centre.

Baginda yang tiba di Pulau Mensirip pukul 9.10 pagi melakukan selaman dengan ditemani Yang Dipertua Majlis Perbandaran Johor Bahru Tengah (MPJBT), Adib Azhari Daud dan beberapa penyelam profesional untuk menandatangani plak logo Majlis Bandaraya Iskandar Puteri (MBIP) dan melihat tukun replika Bangunan Sultan Ibrahim.

Lebih manis, tukun tersebut turut disenaraikan dalam Malaysia Book of Record (MBOR) sebagai 'Biggest Artificial Reef Structure'.


Idea dan ilham membina tukun replika Bangunan Sultan Ibrahim berukuran 10.6 meter x 9.28 meter lebar dan lima meter tinggi serta 165 tan berat itu adalah cetusan idea Sultan Ibrahim untuk diletakkan di dasar laut.

Majlis penyerahan sijil MBOR disampaikan Ketua Pegawai Operasinya, Christopher Wong Hong Wai kepada Adib Azhari sambil disaksikan Sultan Ibrahim.

Usai di Pulau Mensirip, Sultan Ibrahim menerusi jelajah KMJ 2017 dengan merasmikan Mersing Harbour Centre yang merupakan pusat bersepadu dilaksanakan Majlis Pembangunan Wilayah Ekonomi Pantai Timur (ECERDC) bagi menempatkan lebih 50 lot kedai dan kios bagi pelbagai produk makanan, minuman dan krafangan.

Sultan Ibrahim yang tiba kira-kira pukul 12 tengah hari diiringi Permaisuri Johor, Raja Zarith Sofiah Sultan Idris Shah dan anakanda baginda.

Yang turut hadir Menteri Be-



SULTAN IBRAHIM SULTAN ISKANDAR mengaminkan doa selepas menyempurnakan majlis pelancaran logo Majlis Bandaraya Iskandar Puteri (MBIP) di dasar laut Pulau Mensirip, Taman Laut Sultan Iskandar, Mersing, Johor, semalam. - IHSAN KELAB MEDIA JOHOR



sar, Datuk Seri Mohamed Khaled Nordin; Pengerusi Jawatankuasa Kesihatan, Alam Sekitar, Pendidikan dan Penerangan negeri, Datuk Ayub Rahmat; Pengerusi Jawatankuasa Kerja Raya, Kemajuan Luar Bandar dan Wilayah

negeri, Datuk Ir. Hasni Mohamad; Ketua Pegawai Eksekutif ECERDC, Datuk Seri Jebasingam Issace John dan Pegawai Daerah Mersing, Ashari Kasnan.

Mersing Harbour Centre yang dibina dengan kos RM12 juta turut dilengkapai tempat letak kereta, kaunter informasi pelancongan, dewan pameran, surau dan taman permainan kanak-kanak untuk kegunaan pelancong dan penduduk tempatan.

Selepas menjelajah dari Johor Bahru ke Kota Tinggi dan Mersing semalam, hari ini konvoi menuju ke daerah Kluang.



Idea dan ilham membina tukun replika Bangunan Sultan Ibrahim berukuran 10.6 meter x 9.28 meter lebar dan lima meter tinggi serta 165 tan berat itu adalah cetusan idea Sultan Ibrahim untuk diletakkan di dasar laut.





MAJLIS PERBANDARAN JOHOR BAHRU TENGAH

No. Daftar : 09-2017/007
Tarikh : 11.09.2017 (Isnin)
Jenis Akhbar : New Straits Times
Jenis Artikel : Info MPJBT
Tajuk Artikel : SULTAN OF JOHOR OPENS RM12m HUB

'HIGH-IMPACT PROJECT'

SULTAN OF JOHOR OPENS RM12m HUB

Mersing Harbour Centre set to boost tourism, SMEs in the township

HALIM SAID
MERSING
news@nst.com.my

SULTAN of Johor Sultan Ibrahim Sultan Iskandar yesterday launched the Mersing Harbour Centre (MHC), a RM12-million tourism and small- and medium-sized enterprises (SMEs) hub.

The ruler was in town on the second day of the Kembara Mahkota Johor expedition.

* Construction of the project, under the East Coast Economic Region Development Council

(ECERDC), began in January last year. Operations will begin this month.

It will house 50 SMEs offering a variety of products and services, including seafood products, art and handicraft, local delicacies and island-hopping tour services.

ECERDC chief executive officer Datuk Seri Jebasingam Issace John said MHC would become a major tourist attraction.

"It is one of the high-impact projects implemented by the Federal Government through ECERDC and the Johor government to make Mersing a premier tourist destination and main gateway to the Sultan Iskandar Marine Park and its group of islands."

Jebasingam said RM109.1 billion in investments had been channelled into the four states under the East Coast Economic Region (ECER), namely Pahang,

Kelantan, Terengganu and Johor.

"Mersing alone has attracted RM1.61 billion worth of private sector investments, creating more than 1,700 job opportunities."

He said out of the 50 SME operators at MHC, 70 per cent were Bumiputeras.

The SME operators received financial assistance and went through entrepreneurial training under the Empower ECER Human Capital Development programme.

Mersing District Council president Jamil Hasni Abdullah said MHC would boost entrepreneurs' livelihood and expand their businesses.

"Every year, about 200,000 visitors come to Mersing through the Mersing Jetty. The centre will boost the economy here."

He said residents on five is-



Sultan of Johor Sultan Ibrahim Sultan Iskandar visiting a booth run by Rohana Husain (centre) after launching the Mersing Harbour Centre in Mersing yesterday. PIC BY ZAIN AHMED

lands around the Sultan Iskandar Marine Park had also benefited from a rejuvenation and development programme under ECERDC.

"Jetties on these islands have been refurbished, and roads and mosques were built," said Jamil Hasni.

A participant in the Empower ECER programme, Nurul Hidayatul Islamin Johar, 24, said her beauty products business picked up since she acquired new skills under the programme.

"I used to earn RM1,000 a month. After following the courses for a year, I started earning RM5,000 a month."

"I urge people in Mersing to make use of the free courses to boost their livelihood."

Earlier, Sultan Ibrahim launched the country's biggest artificial reef structure when he went diving at Pulau Mensirip here.

Malaysia Book of Records operation director Christopher Wong presented a certificate for the biggest artificial reef structure to Johor Baru Central Municipal Council president Adib Azhari Daud.

The event marks the pre-launch of the Johor Baru Central Municipal Council's name change to Iskandar Puteri City Council.





MAJLIS PERBANDARAN JOHOR BAHRU TENGAH

No. Daftar	:	09-2017/008
Tarikh	:	12.09.2017 (Selasa)
Jenis Akhbar	:	Utusan Malaysia
Jenis Artikel	:	Info MPJBT
Tajuk Artikel	:	Baca doa dalam laut pengalaman mengujakan buat kadi Mersing

Baca doa dalam laut pengalaman mengujakan buat kadi Mersing

MERSING 11 Sept. - Setiap kali majlis rasmi diadakan, penganjur pasti melantik seorang pegawai agama membacakan doa untuk memohon restu dan keberkatan daripada Tuhan.

Namun, pernahkah terbayang bagaimana jika bacaan doa itu dilakukan di dalam laut.

Itulah pengalaman menarik bagi Kadi Daerah Mersing, Mohd. Zaini Mohd. Salleh, 48, yang diberi penghormatan untuk membacakan doa dalam majlis pelancaran replika tukun tiruan terbesar dan logo Majlis Bandaraya Iskandar Puteri di Pulau Mensirip yang disempur-

nakan oleh Sultan Johor, Sultan Ibrahim Sultan Iskandar semalam.

Mohd. Zaini yang menjadi satu-satunya kadi mempunyai lesen skuba, mengetua bacaan doa sebelum Sultan Ibrahim menandatangani plak pelancaran replika tukun tiruan terbesar dan melancarkan logo tersebut pada kedalaman 11 meter di dasar laut.


Beliau mengakui teruja kerana bukan sahaja berpeluang membacakan doa ketika menyelam, malah lebih manis tugas itu dilakukan di hadapan Sultan Johor.

"Tugasan ini memang mencabar kerana dilakukan di dalam

laut dengan mulut menggunakan peralatan pernafasan. Doa dilakukan dengan pergerakan lidah namun penyelam yang dekat dengan saya dengar bacaan doa itu.

"Saya mula berlatih menyelam sejak Mei lalu dan telah melakukan 15 selaman hingga Ogos lalu untuk memastikan bacaan lancar," katanya ditemui selepas menghadiri majlis pelancaran Mersing Harbour Centre yang juga disempurnakan oleh Sultan Ibrahim, di sini.

Dalam pada itu Mohd. Zaini mengakui mula 'jatuh cinta' dengan hobi baharunya itu.



SULTAN IBRAHIM SULTAN ISKANDAR (tiga dari kiri) mengaminkan doa yang dibacakan Mohd. Zaini Mohd. Salleh (kiri) selepas menyempurnakan majlis pelancaran logo MBIP di dasar laut Pulau Mensirip, Taman Laut Sultan Iskandar, Mersing, Johor, kelmarin.





MAJLIS PERBANDARAN JOHOR BAHRU TENGAH

No. Daftar	: 09-2017/009
Tarikh	: 15.09.2017 (Jumaat)
Jenis Akhbar	: Sinar Harian
Jenis Artikel	: Info MPJBT
Tajuk Artikel	: Kursus gubahan MPJBT dapat sambutan

Kursus gubahan MPJBT dapat sambutan

JOHOR BAHRU - Walaupun tiada sebarang pengalaman dalam perniagaan, seorang suri rumah nekad mahu menjalankan perniagaan gubahan hadiah dan hamper bagi menambah pendapatan keluarga.

K Kalimmah, 51, mendapat keyakinan itu setelah menyertai kursus bimbingan perniagaan anjuran Yayasan Penyayang Majlis Perbandaran Johor Bahru Tengah (MPJBT).

"Saya memang nak ber niaga tetapi tak tahu nak mula dekat mana dan mahu jual apa, jadi bila saya selesai sahaja kursus ini, terdetik niat nak buka perniagaan gubahan kerana tak sangka ia begitu mudah.

"Mungkin lepas ini saya boleh buka tempahan kecil-kecilan dulu, tengok macam mana penerimaan pelanggan, tapi yang pasti memang saya akan mula buat juga," katanya.

Kalimmah berkata, tujuan lain dia mahu berkecimpung dalam perniagaan itu juga adalah untuk menampung perbelanjaan keluarga setelah suaminya gagal mendapatkan kerja kerana faktor usia.

"Saya kalau nak kerja di luar memang tak daya dah, jadi kalau lihat bidang

gubahan ini memang sesuai sangat, ia boleh dilakukan di rumah malah tidak perlu kerja berat.

"Pendapatan sekarang ini kalau nak diikutkan memang tak cukup kerana suami hanya dapat pendapatan melalui upah daripada kerja kontrak, sekarang ini dia dah berusia susah nak dapat kerja mana-mana," katanya.

Sementara itu, seorang lagi peserta, Zahratulaily Tun, 58, berkata, gubahan itu merupakan pilihan yang baik untuk dia memulakan semula perniagaan setelah berhenti daripada menjalankan perkhidmatan makanan beberapa tahun lalu.

"Saya tengok modal permulaannya tak lah besar, jadi memang sesuai sangat

jika saya nak mula balik ber niaga," katanya.

Dalam pada itu, Ahli Lembaga Pemegang Amanah Yayasan Penyayang MPJBT, Datuk Abdul Rashid Kasman berkata, kursus gubahan hadiah dan bunga itu merupakan kali pertama dianjurkan pihaknya dalam usaha memperluas skop usahawan di negeri ini.

"Sebelum ini kita ada kelas penyediaan makanan dan pastri dan ia terbuka kepada peserta yang ingin mencari pendapatan lebih melalui sektor kemahiran atau perkhidmatan.

"Kita dah tak mahu beri bantuan daripada bentuk wang semata-mata tetapi kita bagi dia cara untuk jana pendapatan," katanya.



Abdul Rashid (dua, kanan) melihat hasil gubahan peserta dalam program berkenaan.






MAJLIS PERBANDARAN JOHOR BAHRU TENGAH

No. Daftar : 09-2017/010
Tarikh : 15.09.2017 (Jumaat)
Jenis Akhbar : Sinar Harian
Jenis Artikel : Info MPJBT
Tajuk Artikel : Berlatih selam lebih 15 kali

Berlatih selam lebih 15 kali

Mohd Zaini kongsi pengalaman baca doa di dasar laut dengan kehadiran Sultan Ibrahim

Foto: KELAB MEDIA JOHOR



Sultan Ibrahim (kanan) mengaminkan bacaan doa di dasar laut ketika majlis pra pelancaran tersebut.



Mohd Zaini (tengah) bersama rakan-rakannya tidak melepaskan peluang ikut serta program selaman di sekitar Mersing bagi melatih kemahiran menyelam mereka sebelum menghadapi hari sebenar yang berlangsung Ahad lalu.

MERSING - Ramai yang menyifatkan perbuatan membaca doa di dalam air sesuatu yang luar biasa, malahan tidak dinafikan ada yang beranggapan tindakan itu tidak logik.

Kadi Daerah Mersing, Mohd Zaini Mohd Salleh berkata, ia tidak mustahil selagi tidak melanggar syariat malah beliau membuktikannya minggu lalu.

"Sesetengah orang mengatakan tak logik baca doa di dalam air. Memang betul sebab dalam air itu kita nak bercakap bukan macam atas darat.

"Memang ada halangan untuk kita bercakap selancar di atas darat tanpa guna alat pernafasan tetapi ia bukanlah mustahil. Boleh kita buat," katanya kepada *Sinar Harian*.

Mohd Zaini yang juga Kadi

Daerah pertama di negeri ini memiliki lesen selam scuba, mengetuai bacaan doa sempena majlis pra-pelancaran Logo Majlis Bandaraya Iskandar Puteri di dasar laut Pulau Mensirip, dengan kehadiran Sultan Johor, Sultan Ibrahim Sultan Iskandar Ahad lalu.

Menurutnya, bacaan doa itu dilakukan bukan sekadar niat di dalam hati namun ia dilafazkan serupa bacaan doa dilakukannya di darat.

"Saya sendiri membaca bukan di dalam hati atau bermiat. Saya baca dengan lafadz yang biasa saya baca di atas darat. Cuma memang ada sedikit halangan kerana adanya alat pernafasan di mulut.

"Suara saya boleh didengar. Butir sebutan saya itu boleh didengar malah saya sendiri mendengar orang di kiri dan kanan saya mengaminkan bacaan doa saya," katanya.

Mohd Zaini berkata, diaukui beliau bimbang sepanjang majlis berlangsung namun menyerahkan segalanya kepada ALLAH, selepas persiapan dan latihan dilakukan selama ini dan berharap semuanya berjalan lancar.

Ujarnya, sepanjang kira-kira empat bulan tempoh persiapan sebelum menempuh acara sebenar, beliau menjalani latihan sebanyak 15 kali di laut dan kolam renang.

"Saya cari apa saja peluang yang ada untuk biasakan diri sebagai penyelam kerana apabila nak baca doa itu, saya perlu pandai imbang diri, kawal pernafasan dan sebagainya.

• Mengetuai bacaan doa sempena majlis pra-pelancaran Logo Majlis Bandaraya Iskandar Puteri di dasar laut Pulau Mensirip, dengan kehadiran Sultan Johor, Sultan Ibrahim Sultan Iskandar

"Bila ada mana-mana pihak buat program selaman seperti Jabatan Taman Laut Sultan Iskandar dan Jabatan Taman Laut Malaysia Negeri Johor, saya ambil peluang ikut serta."

"Pernah sekali lepas raya iaitu selepas sebulan tak buat selaman, saya risau lupa teknik. Saya ke sebuah kolam renang untuk buat latihan," katanya yang mendapatkan lesen selam scuba Mei lalu.

Menurutnya, ahli keluarga dan rakan-rakannya turut terkejut ketika mendapat tahu beliau ditugaskan membaca doa di dalam air itu.

"Awalnya memang ahli keluarga terkejut. Tetapi lepas saya jelaskan mereka faham. Kawan juga terkejut tapi mereka tumpang bangga, kerana ada kawan mereka ini yang buat sesuatu yang orang tak buat."

"Ini pengalaman baru dalam hidup saya. Ketika dimaklumkan tentang tugas ini buat pertama kali, yang terlintas di fikiran saya ialah perkara ini belum pernah lagi dilakukan dan saya rasa ini luar biasa," katanya.





MAJLIS PERBANDARAN JOHOR BAHRU TENGAH

No. Daftar : **09-2017/011**
Tarikh : **26.09.2017 (Selasa)**
Jenis Akhbar : **Sinar Harian**
Jenis Artikel : **Info MPJBT**
Tajuk Artikel : **Jom kitar semula e-waste**

Jom kitar semula e-waste

AMR dan SKSPP jayakan program kesedaran cara lopus sisa elektronik dengan betul

JOHOR BAHRU - Buat julung kali, nyasikat AMR Environmental Sdn Bhd menjalin kerjasama bersama pihak Sekolah Kebangsaan Sri Pulai Perdana (SKSPP) dan Persatuan Ibu Bapa dan Guru (PIBG) bagi mengajurkan Program Kitar Semula Sisa Elektronik (E-Waste) & Perasmian Mapela, semalam.

Program itu yang berlangsung di pekarangan SKSPP bermula jam 7.30 pagi turut mendapat kerjasama Cenviro Sdn Bhd, Universiti Teknologi Malaysia (UTM), SWM Environment Sdn Bhd, Jabatan Alam Sekitar (JAS) dan Majlis Perbandaran Johor Bahru Tengah (MPJBT) dan turut dihadiri ibu bapa serta masyarakat setempat yang memberi sokongan.

Pengarah Urusan AMR, Ammar Mohd Rashid berkata, program itu bertujuan memberi pendedahan kepada masyarakat dan mendidik anak-anak mengenai cara pelupusan sisa elektronik dengan betul agar tidak mencemarkan alam sekitar.

"Kebanyakan penduduk hanya menyimpan barang elektronik terpakai mereka kerana tidak tahu tempat sesuai untuk melupuskan barang-barang berkenaan. "Jadi program yang kami adakan ini sedikit-sebanyak dapat memberi pendedahan kepada mereka mengenai cara yang tepat untuk membuang dan melupuskan barang berkenaan," katanya.

Katanya, usaha itu juga bagi membantu pihak sekolah mengumpul dana tambahan menerusi penjualan sisa-sisa elektronik yang dikumpul dari masyarakat setempat



Wakil pihak Cenviro menyerahkan cek hasil jualan sisa e-waste yang berjaya dikumpul menerusi Program Kitar Semula Sisa Elektronik (E-Waste), kepada SKSPP.

dan dijual kepada pihak Cenviro.

"Usaha mengumpul sisa e-waste ini mula digerakkan sejak seminggu lalu, di mana kita menggerakkan lori dari rumah ke rumah bagi memudahkan penduduk setempat membuang barang-barang terpakai mereka yang tidak diingini.

"Barang-barang ini termasuk telefon bimbit, mesin basuh, peti sejuk, peralatan komputer, mesin pengisar, pengering rambut, pencetak dan lain-lain barang elektronik yang rosak dan terpakai.

"Kutipan hasil penjualan barang terpakai ini akan disumbangkan sepenuhnya kepada tabung sekolah untuk menjalankan pelbagai aktiviti," katanya.

Ammar berkata, pelbagai aktiviti dijalankan sepanjang program termasuk pameran dan taklimat kitar semula dan alam sekitar oleh agensi terlibat serta cabutan bertuah.



Ammar (kanan) dan Siti Haidah (dua, kanan) memindahkan barang elektronik terpakai yang dikumpul ke dalam lori.

"Selain itu kita turut mengadakan senamrolik pada awal pagi dan pertandingan untuk murid-murid yang hadir," katanya.

Katanya, pihaknya berhasrat memperluaskan program itu dengan menjalin kerjasama bersama lebih banyak sekolah pada masa akan datang bagi meningkatkan kesedaran masyarakat secara lebih meluas mengenai pelupusan dan kitar semula sisa e-waste.

Pada majlis itu juga pihak Cenviro turut menyampaikan cek kepada SKSPP bagi hasil jualan barang sisa elektronik yang berjaya dikumpul menerusi program berkenaan.





MAJLIS PERBANDARAN JOHOR BAHRU TENGAH

No. Daftar	:	09-2017/012
Tarikh	:	28.09.2017 (Khamis)
Jenis Akhbar	:	Sinar Harian
Jenis Artikel	:	Info MPJBT
Tajuk Artikel	:	91 keluarga mangsa banjir kilat di Kampung Tuah Jaya terima bantuan

91 keluarga mangsa banjir kilat di Kampung Tuah Jaya terima bantuan

JOHOR BAHRU - Nasib 91 keluarga yang terjejas akibat banjir kilat di Kampung Tuah Jaya, di sini, baru-baru ini, mendapat pembelaan.

Tampil menghulurkan bantuan ihsan, Ahli Lembaga Pemegang Amanah Yayasan Penyayang MPJBT, Datuk Abdul Rashid Kasman menghulurkan bantuan sumbangan daripada yayasan tersebut sebanyak RM200 untuk satu keluarga.

"Kerajaan tidak pernah lepas tangan, malah kita membantu golongan yang memerlukan seperti mangsa banjir. Kurang dari seminggu kejadian ini, tampil pihak-pihak bertanggungjawab meringankan beban.

"Bantuan ini adalah satu peratus daripada pungutan cukai harta yang disalurkan bagi membantu mereka yang memerlukan, kita yakin lebih banyak lagi agensi berkaitan akan tampil," katanya.

Abdul Rashid berkata, 91 keluarga tersebut mendaftar di pusat pemindahan sementara yang dibuka di balai raya kampung itu pada 19 September lalu.

"Bagi yang tidak mendaftar, mereka boleh berbuat demikian menerusi ketua kampung dan pihak yang dipertanggungjawabkan," katanya.

Sementara itu, mangsa banjir, Siti Aminah Omar, 47, yang menetap

dikampung terabit bersama suami dan lima anaknya sejak 21 tahun lalu mengakui sumbangan tersebut begitu dihargai.

"Alhamdulillah, ia memadai untuk membeli barang dapur yang tenggelam akibat banjir.

"Memang banyak barang musnah, televisyen rosak, almari semua tenggelam hingga paras pinggang, kita cuba teruskan hidup sedikit demi sedikit," katanya.

Manakala, Ab Majid Kasim, 51, yang bekerja sendiri mengakui penat mengharungi banjir masih terasa.

"Belum habis kemas dan risau keadaan cuaca juga tidak menentu, khawatir banjir lagi," katanya.



Abdul Rashid menyampaikan bantuan kepada mangsa banjir.

